

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за административне послове



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajednička komisija za administrativne poslove
Zajedničko povjerenstvo za administrativne poslove

Број/Број: 03/5-50-14-11-6,12/11
Сарајево/Sarajevo, 22.12.2011.

ORIJENTACIONI RADNI PLAN
ZAJEDNIČKE KOMISIJE ZA ADMINISTRATIVNE POSLOVE
PARLAMENTARNE SKUPŠTINE BOSNE I HERCEGOVINE ZA 2012. GODINU

Sarajevo, decembar 2011.

ORIJENTACIONI RADNI PLAN
ZAJEDNIČKE KOMISIJE ZA ADMINISTRATIVNE POSLOVE
PARLAMENTARNE SKUPŠTINE BOSNE I HERCEGOVINE ZA 2012. GODINU

NORMATIVNE AKTIVNOSTI

U skladu s članom 58. Poslovnika Predstavničkog doma Parlamentarne skupštine Bosne i Hercegovine ("Sl. glasnik BiH", br. 33/06, 41/06, 81/06, 91/06, 91/07 i 87/09) i članom 52. Poslovnika Doma naroda Parlamentarne skupštine Bosne i Hercegovine ("Sl. glasnik BiH", br. 33/06, 41/06, 91/06 i 91/07), Zajednička komisija za administrativne poslove Parlamentarne skupštine Bosne i Hercegovine u narednom periodu će:

- 1. razmatrati i, po potrebi, donositi sve akte koji su u njenoj nadležnosti, a neophodni su za nesmetan rad Parlamentarne skupštine Bosne i Hercegovine i Sekretarijata Parlamentarne skupštine Bosne i Hercegovine;**
- 2. razmatrati sve akte koje joj, na davanje saglasnosti, dostavi Kolegij Sekretarijata Parlamentarne skupštine Bosne i Hercegovine;**
- 3. razmatrati po potrebi pitanja koja su joj zakonom i drugim aktima data u nadležnost;**
- 4. razmatrati i druga pitanja koja joj delegiraju kolegiji domova Parlamentarne skupštine Bosne i Hercegovine;**
- 5. aktivno raditi na definiranju nadležnosti Zajedničke komisije za administrativne poslove i otklanjanju nejasnoća u vezi sa:**
 - donošenjem projekcije budžeta Parlamentarne skupštine Bosne i Hercegovine,**
 - razmatranjem revizorskog izvještaja kada je Parlamentarna skupština Bosne i Hercegovine u ulozi klijenta, te**
 - sticanjem statusa stalno zaposlenog poslanika, odnosno delegata.**

IZRADA NORMATIVNIH AKATA

U narednom periodu Zajednička komisija za administrativne poslove će:

- dok se pitanja prava i obaveza članova Parlamentarne skupštine Bosne i Hercegovine ne riješe zakonom, razmotriti rješenja Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-38,3/10, od 29.10.2010., posebno s aspekta njene usklađenosti sa zakonom, odnosno podzakonskim aktima Vijeća ministara Bosne i Hercegovine, te nakon toga, ukoliko ocijeni

potrebnim, uskladiti navedenu odluku sa zakonskim, odnosno podzakonskim rješenjima;

- razmotriti rješenja Pravilnika o načinu i uslovima korištenja internih i eksternih usluga-reprezentacije, telefonskih usluga, službenih putovanja, službenog vozila, službene odjeće, štampe i stručne literature u Parlamentarnoj skupštini Bosne i Hercegovine (prečišćeni tekst), broj: 03/5-50-1-11-38,4/10, od 29.10.2010., posebno s aspekta njegove usklađenosti sa zakonom, odnosno podzakonskim aktima Vijeća ministara Bosne i Hercegovine, te nakon toga, ukoliko ocijeni potrebnim, uskladiti navedeni pravilnik sa zakonskim, odnosno podzakonskim rješenjima;
- razmotriti preporuke Ureda za reviziju institucija Bosne i Hercegovine koje se odnose na rješenja u aktima koje donosi Zajednička komisija za administrativne poslove, te preduzeti odgovarajuće mjere.

PROJEKCIJA BUDŽETA ZA 2013. GODINU

U vezi s izradom projekcije budžeta Parlamentarne skupštine Bosne i Hercegovine, Zajednička komisija za administrativne poslove Parlamentarne skupštine Bosne i Hercegovine će u narednom periodu nastojati snimiti stanje u vezi s izradom projekcije budžeta, kao i aktima koji u toj oblasti nedostaju kako bi se moglo inicirati donošenje akata kojima se definiiraju:

- pravila za izradu projekcije budžeta;
- interne procedure u vezi s izradom projekcije budžeta;
- aktivnosti na izradi projekcije s posebnim osvrtom na kalendar aktivnosti.

PRAĆENJE IZVRŠENJA BUDŽETA

U okviru redovnih aktivnosti, Zajednička komisija za administrativne poslove Parlamentarne skupštine Bosne i Hercegovine će u narednom periodu:

- a. sagledati stanje u vezi s redovnim finansijskim izvještavanjem Zajedničke komisije za administrativne poslove o utrošku sredstava, te eventualnim problemima u vezi s tim kako bi se, ako se ocijeni potrebnim, napravio plan aktivnosti na otklanjanju uočenih nedostaka,
- b. sagledati obaveze nezavisnih tijela Parlamentarne skupštine Bosne i Hercegovine prema Zajedničkoj komisiji za administrativne poslove, te u vezi s tim zauzeti određene stavove.

RAZMATRANJE PRETHODNOG I KONAČNOG IZVJEŠTAJA O REVIZIJI FINANSIJSKOG POSLOVANJA PARLAMENTARNE SKUPŠTINE BOSNE I HERCEGOVINE ZA 2011. GODINU

U okviru planiranih aktivnosti, Zajednička komisija za administrativne poslove Parlamentarne skupštine Bosne i Hercegovine će na posebnoj sjednici, zajedno s kolegijima komisija za finansije i budžet oba doma, razmatrati:

- prethodni i konačni revizorski izvještaj o finansijskom poslovanju Parlamentarne skupštine Bosne i Hercegovine za 2011. godinu - kao i preporuke Ureda za reviziju institucija Bosne i Hercegovine.

MEĐUNARODNE AKTIVNOSTI

Zajednička komisija za administrativne poslove Parlamentarne skupštine Bosne i Hercegovine će nastojati da u narednom periodu uspostavi saradnju s parlamentima onih zemalja koji imaju kvestore kako bi se upoznala s njihovim radom, odnosno metodama praćenja utroška javnih sredstava.

U narednom periodu Zajednička komisija za administrativne poslove planira raditi na uspostavljanju saradnje sa sličnim tijelima parlamenata zemalja u okruženju.

REALIZACIJA PLANIRANIH AKTIVNOSTI

Ovaj orijentacioni radni plan Zajedničke komisije za administrativne poslove Parlamentarne skupštine Bosne i Hercegovine predstavlja osnovu za izradu tromjesečnih planova rada Zajedničke komisije za administrativne poslove, kao i tromjesečnih analiza o izvršenju zacrtanih aktivnosti.

Predsjedavajući
Zajedničke komisije za administrativne poslove
Dragutin Rodić

DOSTAVLJENO:

- Kolegijima domova
- Kolegiju Sekretarijata
- Zajedničkoj komisiji
- a/a